

ԱԴՐԲԵՋԱՆԻ ԳԵՐԱԳՈՅՆ ԽՈՐՀՐԴԻ ՆԱԽԱԳԱՀՈՒԹԻՒՆԸ ԱՊՕՐԻՆԻ ՅԱՅՏԱՐԱՐԵՑ ԼԵՌՆԱՅԻՆ ՂԱՐԱԲԱԴԻ ՀԱՆՐԱՊԵՏՈՒԹԵԱՆ ՀՌԶԱԿՈՒՄԸ

Ադրբեջանական հեռուստատես-
սութեամբ Սեպտեմբերի 3ին ուշ
երեկոյեան տրուած հաղորդագրու-
թիւնից տեղեկանում ենք, որ Ա-
դրբեջանի ԳՄ ընդունել է մի ո-
րոշում, որով ապօրինի է յայտա-
րարում Լեռնային Ղարաբաղի
Հանրապետութեան հռչակումը:

Լեռնային Ղարաբաղի մարզա-
յին եւ Շահումեանի շրջանային
խորհուրդների ծանօթ նստա-
շրջանը այս որոշման մէջ որակ-
ւում է որպէս Ադրբեջանի Հանրա-
պետութեան պետականութեան եւ
ամբողջականութեան դէմ ուղ-

ղւած թշնամական քայլ, որը
չունի իրաւական ուժ:

Ադրբեջանի ԳՄ նախագահի ո-
րոշմամբ, հանրապետութեան
ՊԱԿին, ԼԳ նախարարութեանը եւ
դատախազութեանը յանձնարար-
ւած է խափանել հռչակագրի ի-
րականացման ցանկացած փորձ,
իսկ հանրապետութեան գլխաւոր
դատախազին՝ պատասխանա-
տըութեան կանչել դրա հեղինակ-
ներին:

Հանրապետական կազմկոմի-
տէին յանձնարարուած է ԼԴՄում
իրավիճակը կայունացնելու եւ

երկխօսութիւնը խորացնելու ուղ-
ղութեամբ լրացուցիչ միջոցառում-
ներ ձեռնարկել, արագացնել բը-
նակչութեան գինաթափումը:

Որոշման վերջում Ադրբեջանի
ԳՄ նախագահութիւնը ողջախո-
հութեան, միասնականութեան եւ
լրջութեան կոչ է անում ադրբե-
ջանական ժողովրդին:

Ինչպէս հաղորդում է ադրբե-
ջանական հեռուստատեսութիւնը,
որոշումն ընդունուել է Սեպտեմ-
բերի 3ին, Բաքում: Այն ստորա-
գրել է Ադրբեջանի ԳՄ նա-
խագահ Է. Կաֆարովան: